

Paerewa Paetae

Aronga	Ngā Mahi a te Rēhia 2.6		
Ingoa	Te arotake i ngā mahi toi a tētahi kaitoi nō iwi taketake i roto i ngā mahi a te rēhia		
Kaupae	2	Whiwhinga	4
Marau akoranga	Te Marautanga o Aotearoa		
Kokonga akoranga	Ngā Toi		
Mana rēhita	Kua rēhitatia	Te rā i mana ai	8 Hakihea 2015
Te rā e arotakengia ai	31 Hakihea 2018	Te rā i puta ai	19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Ngā Mahi a te Rēhia

Ka tūhura, ka whakamātau, ka whakawhiti hōhonu, whakawhiti whānui:

- [tūhura] i ōna ake tūmanakotanga;
- [mahi, mōhiotanga] i ngā tūmomo mahi me ngā tukanga;
- [maioha] i ngā ariā.

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te arotake i ngā mahi toi a tētahi kaitoi nō iwi taketake i roto i ngā mahi a te rēhia.</p>	<p>Hei tohu i te paetae:</p> <ul style="list-style-type: none"> • Ka tautohu i ngā āhukatanga ngao pae o ngā mahi toi. • Ka whakamārama i ngā pūkenga, ngā huānga me ngā tukanga e kitea ana i ngā mahi toi.
<p>Kaiaka He kaiaka te arotake i ngā mahi toi a tētahi kaitoi nō iwi taketake i roto i ngā mahi a te rēhia.</p>	<p>Hei tohu i te kaiaka:</p> <ul style="list-style-type: none"> • Ka tautohu i ngā āhukatanga ngao tū o ngā mahi toi. • Ka whakamāori i ngā pūkenga, ngā huānga me ngā tukanga e kitea ana i ngā mahi toi.
<p>Kairangi He kairangi te arotake i ngā mahi toi a tētahi kaitoi nō iwi taketake i roto i ngā mahi a te rēhia.</p>	<p>Hei tohu i te kairangi:</p> <ul style="list-style-type: none"> • Ka tautohu i ngā āhukatanga ngao matariki o ngā mahi toi. • Ka whakawhānui i ngā pūkenga, ngā huānga me ngā tukanga e kitea ana i ngā mahi toi.

Kōrero Āpiti

E whai ake nei ngā whakamārama o ngā tino kupu, kīanga rānei:

ngā āhukatanga ngao pae	Ngā āhukatanga whānui o te mahi toi, arā, ko te momo, ko te rangi, ko ngā mahi ā-tinana.
ngā āhukatanga ngao tū	Ngā āhukatanga hōhonu ake o te mahi toi, arā, ko te kaupapa, ko te reo/ngā kupu, ko ngā whakapuakitanga ā-kanohi, ā-tinana.
ngā āhukatanga ngao matariki	Ngā āhukatanga motuhake o te mahi toi, arā, ko te pūtake, ko te manawataki me te mita, ko ngā kupu/kōrero pohewa, ko te taha rerehua.
ka whakamāori i ngā pūkenga, ngā huānga me ngā tukanga	Ka āta whakaatu, ki ōna ake whakaaro, i ngā pūkenga, ngā huānga me ngā tukanga i whakamahia hei waihanga i ngā mahi toi.
ka whakawhānui i ngā pūkenga, ngā huānga me ngā tukanga	Ka mārama pū ki ngā pūkenga, ngā huānga me ngā tukanga i whakamahia hei waihanga i ngā mahi toi, kia taea ai te whakahāngai ki kaupapa, ki horopaki kē atu rānei.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233